

Caldas de Reis acolle unhas Xornadas Ambientais e de Turismo Sostible no Camiño Portugués

05.10.2017

•Terán lugar do 16 ao 18 deste mes e as mesmas enmárcanse no LVIII Curso de Saúde Ambiental do Programa Galego de Municipios Saudables e Sostibiles, que dirixe Francisco Peña.

•A través de tres mesas redondas e as achegas de máis de vinte expertos de alto nivel, darase cobertura a temáticas de gran interese tales como a loita contra o cambio climático, a xestión dos residuos e o turismo sostible como factor de desenvolvemento socioeconómico.

•E todo isto baixo o paraguas da economía circular como único modelo posible de crecemento e progreso.

Cercada, a 5 de outubro de 2017.- Entre os días 16 e 18 do presente mes de outubro, o auditorio da localidade pontevedresa de Caldas de Reis acollerá unhas xornadas ambientais e de turismo sostible no camiño portugués, enmarcadas á súa vez no LVIII Curso de Saúde Ambiental do Programa Galego de Municipios Saudables e Sostibiles, que dirixe o Doutor Francisco Peña Castiñeira.

A través de tres mesas redondas e a participación de máis dunha vintena de relatores de alto nivel, darase cobertura ás temáticas ambientais de maior interese na actualidade, vinculadas todas elas á economía circular como modelo de desenvolvemento cara ao cal Europa e, xa que logo España e Galicia, deben avanzar con paso firme para poñer fin ao caduco sistema de vida lineal, caracterizado pola mala praxe de usar e tirar, e transitar cara a un circular que aposte pola maior eficiencia dos recursos, maximizando o seu aproveitamento e reducindo a xeración de refugallois

CAMBIO CLIMÁTICO, RESIDUOS E TURISMO SOSTIBLE

A loita contra o cambio climático constituirá a temática a abordar na primeira sesión, na que participarán personalidades da talla de José Vicente Martí Bosca, Coordinador de Sanidade da Dirección Xeral de Saúde Pública da Generalitat Valenciana; María Luz Macho Eiro, Subdirectora Xeral de Meteoroloxía da Xunta de Galicia; Ángel Gómez Amorín, Subdirector Xeral de Programas de Control de Riscos Ambientais para a Saúde, pertencente á Consellería de Sanidade; David Alejandro Pérez, Enxeñeiro de Camiños, Canles e Portos de Gas Natural Fenosa; Francisco Silva, Delegado de Iberdrola en Galicia; José Enrique Rodríguez Coello, Responsable de Desenvolvemento de Negocio da Delegación de Aenor en Galicia; e Alfonso Villares Bermúdez, Vicepresidente Primeiro da Fegamp, Alcalde de Cervo e Presidente da Comisión de Medio Ambiente da Femp.

A xestión sostible dos residuos e as augas concentrará a atención da segunda xornada. Neste caso, a mesa, moderada por Felipe Macías, Catedrático da Universidade de Santiago de Compostela, ilustrarase coas achegas de Verónica Tellado, Subdirectora Xeral de Residuos da Xunta de Galicia, quen expoñerá as principais actuacións da Consellería de Medio Ambiente e Ordenación do Territorio en materia de economía circular; María Martínez, Técnico de Medio Ambiente do Servizo de Cooperación da Deputación de Pontevedra; Marcial Alonso Crespo, Responsable de Operacións e Comercial na área de Residuos de Soil Recovery; e Sergio Quiroga, Director de I+D e de Produción da firma Ecocelta, ademais doutros responsables públicos e privados.

Xa no transcurso do último día prestarase atención ao turismo sostible como factor de desenvolvemento socioeconómico nunha sesión que coordinará Juan José Lirón, Subdirector Xeral de Emprego da Consellería de Economía, Emprego e Industria da Xunta de Galicia. Neste escenario, a temática central nutrirase cos coñecementos de Juan Manuel Rey, Alcalde do concello de Caldas de Reis; Juan José Somoza, Director de Servizos de Augas de Espiña & Delfin; Celestino Lores, presidente da Fundación Camiño Portugués de Santiago; e Andrés Sampedro, Filólogo, investigador e divulgador en etnografía, historia e antropoloxía.

RUTA VERDE

O programa complementarase cunha ruta verde polo Camiño Portugués de Caldas de Reis e Padrón, que dirixirá Carlos Rodríguez Facal, catedrático de Ciencias Naturais, botánico e especialista en xardinería e flora ornamental.

Máis información en www.medioambienteysalud.com.

Saúdos, Departamento de Comunicación

TRABAJAMOS

Infraestructura Industrial

EDUCAMOS

Sensibilización ambiental

ACTUAMOS

I+D+i
En los medios

TRANSPARENCIA Y BUEN GOBIERNO

Información Organizativa y de Planificación
Información en materia de Personas
Información Económica
Información Patrimonial
Encomiendas de Gestión
Información sobre el Territorio y Medio Ambiente